

Die Erd iss ze redde

Vor e paar Daach hott misch de Hubert nochemol oogerufe. Hannes, hodder gesaad, unser letztes Telefongespräch hat mir keine Ruhe gelassen. Ich habe zu schnell das Gespräch unterbrochen, als ich sagte, ich kann das vom Verbrennen der Erde nicht mehr hören. Nun gut, glaubst du das wirklich?

Hubert, habb isch ze Antwort gewwe, du musst emol lese, was die meisde Wissenschaftler saache unn schreiw: Die Erd werdd haaß unn iss nimmi ze redde, weil mir jetz, die Betonung lieht auf jetz, nitt genuch unnernumme. Awwer villeischd missts uff de Punkt gebrochd werrn: Die Erd iss nimmi ze redde, die Heißzeit kimmt – unn warum: Weil merr nitt glaawe wolle!

Hannes, seet de Hubert, was sollen wir denn deiner Meinung nach glauben?

Isch saach: Mir solle oofonge ze glaawe, dass dess su kimmt wenn mir weidermache wie die gons Zeit.

De Hubert druff: Was können wir einfachen Leute denn tun?

Isch saach: Hubert, mir oofache Leit hawwe schunn vill verännerd, awwer immer nor donn, wenn merr mussde: Mir hawwe uffgeheerd in de Werrtschaffde ze raache, mir schnalle uns im Audo oo, sordiern de Müll, ersetze die alde Gliehbiern, fahrn in monsche Strooße nor Dreißisch, verwenne wenischer Plastikdutte. Unn jedes Mol hawwe merr de erst geknorrd unn donn hawwe merr gemacht: Mir hawwe also zugelosse, was uns vorgeschriwwe worrn iss. Unn warum? Weil merr verstonne hawwe, dass die Verännerunge uns unn de Allgemeinheit gut due.

De Hubert hott gefroochd: Was willst du damit sagen?

Isch saach: Dass dess mett de Klimaveränderung ähnlich iss. Erst wenn verstonne, also geglaabd werdd, dass dess CeeOZwoo dorschs Verbrenne von Kohle, Gas, Benzin unn Kerosin ferrs Heißerwerrn verontwörtlich iss kenne merr zulosse, dass merr reduziern. De erst emol dass mieh Windräder gebaut werrn, aach uffem Odewald unn uffem Taunus, dass Stromleidunge su schnell wie meeschlich iwwer odder unner de Erd gebaut werrn unn dass Talsperre als Pumpspeicherwerke oogeleschd werrn aach dort, wo jetz noch scheene Täler sinn, weil merr die Energie nitt nor erzeusche, naa, aach speichern misse. Unn mir misse zulosse, dass mir all ferr unser erzeuschdes CeeOZwoo, ob im Haus odder im Audo odder im Fluuchzeuch, bezahle misse.

Und was heißt das?, frächt de Hubert.

Isch druff: Dess heeßt, wer die Erd lebenswert erhalle will muss zulosse, dass in die Nadur unn in unser Wohnheide oigegriffe werdd unn dass merr deferr bezahle misse, demokratisch entschie, awwer vunn irschend emm Punkt aus mett Entschlossenheit dorschgesetzt. Nor donn iss die Erd noch ze redde.

De Hubert hott oigewend: Meinst du nicht, Hannes, dass Deutschland zu klein ist, die Erde zu retten?

Isch saach: Naa, dess glaab isch nitt. Weil oon Staat muss oofonge, wenn aach gons vorsichdich, unn donn ziehn aach die onnern Staatelenker nooch, weil se vunn ihrne Oiwohner dezu gebrochd werrn. Awwer immer nor donn, wenn aach die oofonge ze glaawe, dasses sunnst ze spät iss. Wens su kimmt, iss die Erd noch ze redde.

Da bin ich mal gespannt, hott de Hubert gesaad, und dafür möchte ich hundert Jahre alt werden.

Isch aach, saach isch.

Eiern Honnes